

Кузь нэм да бур шуд!

Эжа йывлөн слава


Григорий Аврамович Карманов

Чужис 1903 вося ноябр 23 лунö Немдінын. Уджалис Лазарсиктса, Мылдинса да Канаваса начальнöй школаясын велöдысьöн да веськöдлысьöн. Велöдчис Вяткаса пединститутын. Водзö уджалис УОНО-öн веськöдлысьöн, Помöсдинса школаын велöдысьöн да веськöдлысьöн, Сыктывкараса ФЗУ-öн, Кулöмдинса роноöн веськöдлысьöн, БИндінса да Кулöмдинса школаясын велöдысьöн да директорöн. Вöли Великöй Отечественнöй война вылын, сэсса 20 во уджалис Немдінса школаын завучöн да велöдысьöн.

Гöтырыскöд быдтис да велöдис вит челядьöс.

Бур уджысь сетисны РСФСР-лөн школаясса заслуженнöй велöдысьлысь ним.

Кувсис 1969 вося декабр 11 лунö Сыктывкараын.



Дардлар

Эжа йывса войтырлөн газет

Петö 1929 восянь

Четверг, 2011 вося апрель 28 лун 51 (10326)-öд №

Сөрöмьсь
дон
оз босьтны

(коми шусьöг)

ТÖДÖЙ, МЫЙ ВЫЛЫС

ЙÖЗ КОЛИСНЫ УДЖТÖГ

Тыдалö, тупкыяс «Леском» котыр, кодлөн öти юкөн заптис вöр Озьягын.

Неважöн татысь лэдзалисны уджалысьяссö да новлисны техника. Мездöм йöз оз тöдны, мый лöö водзö: наысь мынтöдчисны дзикöдз али предприятие бөр босьтчас уджö.

ЧЕЛЯДЬКÖД АДДЗЫСЬЛÖМ

Югыдъягса шöр школаын нуöдисны «Мужество» урок, кодöс сиисны Чернобыльса атомнöй электростанцияын неминучалы 25 во тырöмлы.

Челядь дорö волісны Югыдъяг посёлкөн веськöдлысь В.И.Ау да «Чернобыль» котырон веськöдлысь А.Ю.Паршуков. Зонпосниöс тöдмöдисны неминуча лöомкöд, висьталісны, мый неминуча бырöдöмö ыджыд пай пуктисны и миян районса войтыр.

УДЖАЛÖНЫ ÖТУВ

Керчомьяысь администрацияса уджалысьяс, ветераньяс да школаын велöдчысьяс во гöгöр чукöртисны сиктлөн история, война вылын вöвлöмаяс, тылын уджалысьяс йылысь материальяс.

Наысь лöсьöдасны альбомьяс, стендыяс, выставкаяс.

Победа лун водзын кытшовтасны салдат дөваясöс, тылса уджалысьясöс, чолöмаласны празникөн, вичмöдасны козиньяс. Празник кежлö дасьтöны ыджыд концерт.

МАЙ 7-22 ЛУНЬЯСÖ

Республикалөн шöр районьясын, кытчö пырö и Кулöмдин район, тулысын позьö кыйсьыны май 7-22 луньясö.

Та йылысь юöртис вöр-ва бöрся видзöдысь республикаса министерство. Кыйны позьö сомын вавыса пöткаясöс: уткаясöс, дзодзöгьясöс, мурквечикьясöс. Вöрса пöткаясöс - дозмöр-чукчиöс да тарöс - кыйны оз позь.

ПОНТОНЪЯС КЫЛАЛІСНЫ

Мынісны Пожöг да Югыдъяг дорысь понтон посьяс.

Öтигис кылаліс Кекурöдз, мöдыс - Смолян-каöдз. Югыдъягöдз понтонсö вермасны катöдны буксирьяс, кодьяс локтасны лөчöдны пурьяс, а Пожöгын эм сомын важиник К-100 катер.

ВЫЛЬ ПАСЬКÖМÖН

Озьягысь ашпöр артистьяс кутасны гажöдны йöзöс Победа лунö выль паськöмөн.

Вурны костюмьяс сьом сетіс райсöветса депутат, ас вылö уджалысь Р.В.Третьяков. Вурö бур киподтуя Н.В.Нестерова.

- Победа лунö выль паськöмөн ми петкöдчам Озьягын да Кужйын, - висьталіс Озьягса клубөн веськöдлысь Л.И.Валева. - Аттьö Роберт Васильевичлы сьом сетöмысь.

Асланым да общ. корреспондентьяс.



Кольöм воын Кулöмдинса администрация бердын котыртчис «Север» предприятие, кодöн веськöдлыны босьтчис Александр Иванович Шахов. Көть тöдис, мый коммунальнöй могьяс олöмö пöртöм - абу кокни удж, сийö-сасис. И пыр жö босьтчис делö бердö, öд юрикт вöли тыр лöп-өгөн. Регыдөн и весалисны сиктсö да видзöны сөстöма, весиг дон босьтгöг кутöны сиктса ёг чукöртанин. Эмöсь падмөгьяс, и медся ыджыдыс сыын, мый вöчöм уджысь унаöн оз мынтысьны ас кадö. Сьöм нажöвитöм могысь лöб корсьны мукöдпöлöс уджыяс.

Матысса мог - сиктлөн мича чужöмөн матыстчыны майся празникьяс, торйөн нин Победа лун кежлö, и тайö могсö «Север» котыр олöмö пöртас лючки.
Иван ТАРАБУКИН.

КОМИ РЕСПУБЛИКАЫН

СÖВМÖМ ЙЫЛЫСЬ СЁРНИ

Муніс Коми республикаысь финансьяс да экономическöя сөвман министерствояс коллегиялөн öтувья заседание, кодöс нуöдис республикаса юралысьöс вежысь, финансьяслөн министр Владимир Тукмаков.

Шöр сёрнитанторьясöн вöліны Коми республикаысь 2010 вося бюджет олöмö пöртöм да 2011 во кежлö могьяс да туйвизьяс йылысь финансьяс министерстволөн кывкөртöд, а сідзжö экономическöя сөвман министерстволөн экономика да социальной юкөн выльмöдöм йылысь юöртöм.

Кыдзи висьталіс Владимир Тукмаков, 2010 воын республикалөн экономика вöлі сөвман тшупöдын, мый сетіс позянлун содтыны республикалөн бюджетлысь доходсö.

«2010 вося бюджетын медся тöдчанаясöн лöбны социальной юкөн, сы лыдын июнь 1 лунсянь бюджет юкөнун уджалысьяслысь 6,5 процент вылö уджодн содтöм, автомобиль туйяс вöчöм да дзоньталöм, а сідзжö кагалөн вокöд йитчöмторьяс», - юöртис Владимир Тукмаков.

2011 воын Коми республикалөн бюджетын доходьяс артавсьöны 40,5 миллиард шайт, рöскодьяс - 47,1 миллиард шайт.

Экономическöя сөвман министрöс медводдза вежысь Ольга Осиповалөн кывьяс серти, 2011 воын водзö мунас стратегическöя планируйтöм кузя комплекснöй система лöсьöдöм, кытчö пырасны и нормативно-правöвöй база лöсьöдöм, республикаöс социально-экономическöя сөвмөдöм могысь стратегия выльмöдöм, социально-экономическöя сөвмөм могысь стратегическöй документьяс примитöм. 2011 восянь вочасөн кутасны вуджны программаса бюджет вылö. Таво нин вынсьöдасны кык государственнöй программа, медым сөвмөдны культура да транспорт система.

Торья тöдчанлун сетасны сылы, медым республика бурджыка вермис петкöдчыны аслас вöчöмторьясöн мирын, медым бурмöдны инвестиция содтöм, наука ёнмöдöм, инновацияяс пыртöм, отсавны ичöт да шöр бизнеслы, сөвмөдны туризм, ёнджыка тöждысьны уджалан условияс бурмөдöм вöсна.

Коми республикаса юралысьлөн да правительстволөн пресс-служба.

